

Nin ye kibaroya Kèndèya Kibaroya Nafama ledi ka nyèsin Moo minou siinin Bronx ni ta ka djankata lase wolu ma 2022 Janvier karo tele 9 la

Ko tamin nya sèbè nin koumala fonyo lihala kan, ani yoro salinya lakandanin ka nyesin moo minou siinin Twin Parks North West at 333 E. 181st St. ani moo minou siinin yen torofè.

Moun ye sisi dö?

Ta ba bö sisi min ye yelela wo ye gazi lou, feng do lou ani prodouwi chimiki do lou basanin nedi. Djankaro souya do lou ye moo minou la, yo I ba fo ko asthma walima son djankarolaka do lou, n’o lou ka sisi saman a disse ka wo lou la djankaro ladjouya.

Yoro mafidan ba ke idö ta ba ban lasala, djankaro soudjouman dise sorona wo dö?

Nya dimin, noun konola dimin ani kan konola dimin ye tola moo lou minala sonkene. Moo makotè ka wa dotro ye tomasere ninou koson. Ni moo kèndè lou leye, tomasere ninou te kounyadjanyala ani alou te labana djankaro ba ma.

Ni djankaro tomasere nin djouyada iye I kaliya ka wa dotro ye idkodo, yo I nilakili ba to djala ido walima ka I sisi to I dimina. Ni a ka soron asthma, son djankaro, djöfö djankaro (COPD) walima djankaro souya gbere ye ila kodoman, ila djankaro wo disse djouyala, wo dö I kakan ka wa dotro ye.

Ta disse näla soumadjou dagbelen do lou fana di minou disse don’na torofe bon nou kono. Souma wo lou disse djouyala baakè, konin alou te djankaro lasela moo ma.

N’disse ka sisi souma madoya n’na bon kono di?

Sisi soma disse ka lökoun daman ke a ma bö bon kono tabö kofe. Waati wla, nafaba ya la ka ila bonkonola mako ani ka to fonyo salman ye don ila bon kono.

- Na ka soron fonyo lasalinya feng do ye I bolo iye wo labara.
- Ila finetri lou laka kabö timètri kelen ma ka wa sii fila la kossa ka sisi soma too lou labo.
- Feng maaman nou salinya, yo fanin ye meublou minou kan, tapi lou ni faanin nou, kosa ka sisi souma labo bon kono.
- Ni feng sousou tesse ka salinya iye wo lafili.

Yala fonyo lasalinyafeng disse ka do bö sisi noo la n’na bon kono wa?

Fonyo lasalinya feng nou fanka bonin nyon ma fonyo lasalinya do. A to I miriya la:

- Fonyo lasalinyafeng te yen min disse ka noo bee bö fonyo do.
- Fonyo lasalinyafeng min malonin ba ke wo ye feng misen nou nedron bola fonyo do. Fonyo lasalinyafeng wo tesse ka sisi souma gben bon kono.
- Hali I ba ultraviolet (UV) yelen nabaara fonyolasalinyafeng do wo tena sela sisi bee bola fonyo do.
- Fnyo lasalinyafeng do lou ye ozonin gazi labola, min disse djöfo djankaro ni asthma lawilila. Wo lou **mankan** ka labaara nya sousou ma.

- Moo minou ye fonyo lasalinyafeng nadana wo lou ka kouma minou magbeleya iye I djanto kouma wo lou do waati bee la.

N'disse ka noo lou, sisi fin nou ani nyasa lou labo n'na bon kono di?

I ba I kosayi ila bon kono, sila ninou ta ka gbangba ni sisi fin nou masousa walima tinyeli min kenin yen:

- Bolola gan gbayilama don I bolo la ani iye N95 gbangban maski lafilita don (walima gbagban maski souya soudoun do).
- Ni dji donda ila bon kono, a ba soron feng sousou masse djala iye wo lou boyen, k'alou matèè k'alou lafili djonala kosa ka matanka foun kana yèlè feng nou la.
- Djani iye gbangban/sisi fin nou boyen iye Safina dji kanka ka ban ka kè nyasa ni gbangban ye fan min.
- Nyasa lou kè nyama lafili mana kono. Mana lou da lasidi a nyumala I ba ban toumamin ani iye wa lafili nyasa lafilifeng kono.
- Na disse kela, iye nyasa saman macinin nabaara sènsènfeng HEPA ye min na (fonyo saliman ba) ka gbangban nou fidan ka bo yen.
- I bolo ni nya mako, surutou djani iye damounin kè walima ka dji min. I ba ban yoro salinyala, ila samada n'ila fanin nou mafalen djani iye don ila bon konola yoro saliman nou do.

Ya n'disse ka n'na frigo kono souman nou damoun wa na ka soron kouran bara tee n'na bon kono?

Souman minou toun bara dja frigo kono ni kouran teeda ani frigo konola ba kalaya, bakiteri lou ni nimafeng do lou di ladan souman wolou do. Wo disse djankaro djou lasela moo ma.

Souman sousou daati bat amin iye wo lou lafili (yo sobo, kabamafeng, djèè, sisèfan nou, nönölaka, mayonèzi walima souman too lou) na ka soron souman nou bara labo soumaya kodo frigo kono ka kè han lèri naanin walimaa ka tamin ala. **N'I sikanin, a lafili!** Nafa te djankaro la.

N'nye sela lona di ko n'na pompela dji disse min'na?

Na ka soron i bö bara tele kelen walima tele siyaman bö louma, a to dji yeto bola han a ye souma ani ka salinya. Dji min siinin tere ye pompe kono wo di mafalen dji kouda la.

Yala bon konola mafeleda wa ka lon ni fonyo ma dabasan amianti la?

Dinkira lou Lakandako karifanin NYC Sebeda min na wo ka ta ni dji senin bon fan minou ma ka wo lou mafele ani a ma tinyeli ye walima a ma ye ko bon mouran tinyenin do ye amianti disse kela mni kono.

Yala n'kakan ka n'na bon konola mafele sisiko dö na ka soron ta bara bö n'töröfè?

A siyaman dö, ta ba bö dinkira do dö moo lou la bon ye fan min nou do wo masouba doman. I mako tè ki la bonkono fonyo mafele banin nyaminin feng min ye fonyo do wo fanka di döya ani a tena mènà.

N'disse ka kibaroya siyaman soron fan djouman?

- Na ka soron ila dji lakalayafeng bara tinye ila bon kono, ila bontii kili, a karifanin moo min na walima moo gbere min djantonin a dö folo. Ni problemoun masse dandala djona, iye nin wele **311**, walima iye yan mafele **nyc.gov/311**, walima iye 311Mobile aplikason kè ka djaseremalali lawa. kouma lamèn gbeleman moo minou ma wo lou disse alou la djaseremalali kela ka tamin Touchtone Device fè tologbeden nou ta dö (TDD) at 212 504 4115.

- Ni mako keda kibaroya siyaman ka ben fonjo lasalinyafeng na ko ma, yan mafele **epa.gov** ani iye “**air cleaners**” (**fonjo lasalinyafeng nou**) nyinin.
- Ni mako keda kibaroya siyaman na foun na ko kan, yan mafele **nyc.gov** ani iye “**mold**” (**foun**) nyinin.
- Ni mako keda kibaroya siyaman na ka ben fonjo lihala ma ani kèndèya hamininko sisi tafan fè, nin kili **311**.

NYC Kèndèya Sèbèda disse ka kouma magbeleyanin nou mafalen ka ben lihala lou ye mafalena nya min kan.

1.12.22